



## **ԿՈՌՈՒՊՑԻԱՅԻ ԿԱՆԽԱՐԳԵԼՄԱՆ ՀԱՆՁՆԱԺՈՂՈՎ**

### **ՏԵՂԵԿԱՆՔ**

**2024 ԹՎԱԿԱՆԻ ԱՌԱՋԻՆ ԵՌԱՄՍՅԱԿՈՒՄ ՄԱՄՈՒԼԻ  
ՀՐԱՊԱՐԱԿՈՒՄՆԵՐԻ ՀԻՄԱՆ ՎՐԱ ԻՐԱԿԱՆԱՑՎԱԾ  
ՈՒՍՈՒՄՆԱՍԻՐՈՒԹՅՈՒՆՆԵՐԻ ՎԵՐԱԲԵՐՅԱԼ**


**2024 թ.**

## ՆԱԽԱԲԱՆ

Կոռուպցիայի կանխարգելման հանձնաժողովը (այսուհետ՝ Հանձնաժողով), ի թիվս այլ լիազորությունների, կարող է վարույթ հարուցել լրատվամիջոցների հրապարակումների հիման վրա: Լրատվամիջոցների հրապարակումները կարող են վարույթ հարուցելու հիմք հանդիսանալ, եթե պարունակում են կոնկրետ անձի կողմից անհամատեղելիության պահանջների, այլ սահմանափակումների, վարքագծի կանոնների խախտումների կամ շահերի բախման դեպքի առերևույթ խախտման հատկանիշներ: Լրատվամիջոցների հրապարակումները կարող են հիմք հանդիսանալ նաև հայտարարագրերի վերլուծության համար:

Հաշվի առնելով, հաշվետվողականության ու թափանցիկության կարևորությունը, ինչպես նաև ԶԼՄ-ների դերը կոռուպցիայի կանխարգելման գործում՝ Հանձնաժողովը նախաձեռնել է 2024 թվականից, եռամսյա կտրվածքով, հրապարակել մամուլի հրապարակումների հիման վրա իրականացված ուսումնասիրությունների վերաբերյալ ամփոփ տվյալներ:

Այս համատեքստում, 2024 թվականի առաջին եռամսյակի, ինչպես նաև 2023 թվականի (2024 թվականին իրականացված ստուգումներ) ընթացքում Հանձնաժողովի կողմից մամուլի հրապարակումների հիման վրա ուսումնասիրվել են թվով 32 Հանձնաժողովի իրավասության շրջանակներում առերևույթ խախտումներ պարունակող հրապարակումներ, որոնցից 3-ը վերաբերել են անհամատեղելիության պահանջներին, 3-ը՝ շահերի բախմանը, 1-ը՝ նվերների ընդունման սահմանափակումներին, 1-ը՝ կուսակցությունների ֆինանսական գործունեությանը, 1-ը բարեվարքության ուսումնասիրություններին և 23-ը՝ հայտարարագրերին:



Վերոնշյալ հրապարակումների հիման վրա իրականացվել են հետևյալ գործողությունները.

### Հայտարարագրման վերաբերյալ հրապարակումներ

1. «Հաշվետու եմ միայն ԿԿՀ-ին. Հակակոռուպցիոն կոմիտեի քննիչը՝ մեծ, բայց հայտարարագրում չարտացոլված ծախսերի մասին», <http://surl.li/imzva>, «Infocom.am» լրատվական կայք, հունիս 27, 2023թ.:

Հրապարակման մեջ շրջանառվող տեղեկատվության հիման վրա իրականացված տվյալների ստուգման շրջանակներում 2024 թվականին Արտակ Թադևոսյանից պահանջվել է ներկայացնել պարզաբանում արձանագրված անհամապատասխանությունների վերաբերյալ: Հանձնաժողովն անդրադարձել է նաև հրապարակմամբ նշված՝ 2021 թվականի տարեկան ծախսին, այն է՝ «(...) Արտակ Թադևոսյանը տարվա ընթացքում ծախսել է շուրջ 45,5 միլիոն դրամ, որից հայտարարագրում արտացոլված է միայն 5 միլիոն դրամը՝ որպես գյուղատնտեսական գործունեության իրականացման հետ կապված ծախսեր, իսկ մնացած 40,5 միլիոն դրամը որևէ ձևով արտացոլված չէ հայտարարագրում:»: Հանձնաժողովն ընթացիկ տարեկան ծախսի հաշվարկն իրականացրել է ընտանիքի անդամների կողմից ներկայացված հայտարարագրերի հաշվառմամբ՝ դիտարկելով վերջիններիս որպես մեկ տնտեսություն վարող սուբյեկտներ: Պարզաբանմամբ ներկայացված լրացուցիչ տվյալների համադրման արդյունքում պարզ է դարձել, որ Արտակ Թադևոսյանի կողմից սխալ են հայտարարագրվել մասնավորապես հիփոթեքային վարկին և օվերդրաֆթին վերաբերելի տեղեկությունները, որոնց,

ինչպես նաև այլ տվյալների ճշգրտման արդյունքում վերահաշվարկվել և գնահատվել է Արտակ Թադևոսյանի և վերջինիս ընտանիքի անդամների ընթացիկ տարեկան ծախսը 2021 թվականի համար: Արդյունքում, Հանձնաժողովը, հաշվի առնելով անհամապատասխանությունների բնույթը և ենթադրյալ իրավախախտման համար վարչական տույժ նշանակելու՝ Վարչական իրավախախտումների վերաբերյալ Հայաստանի Հանրապետության օրենսգրքի (այսուհետ՝ Օրենսգրք) 37-րդ հոդվածի 7-րդ մասով սահմանված վաղեմության ժամկետների անցած լինելը, որոշել է հայտարարագրերի համալիր վերլուծություն չիրականացնել:

2. *«Անհատական բնակելի տուն, հողամաս, 2 բնակարան և այլն. ինչ ունեցվածք է հայտարարագրել ՔՊ-ական պարզամավոր Դավիթ Դանիելյանը. «Ժողովուրդ»», <http://surl.li/ngdoo>, «Tert.am» լրատվական կայք, նոյեմբեր 16, 2023թ.:*

Հրապարակման մեջ շրջանառվող տեղեկատվության հիման վրա իրականացված տվյալների ստուգման շրջանակներում 2024 թվականին Դավիթ Դանիելյանից պահանջվել է ներկայացնել պարզաբանում արձանագրված անհամապատասխանությունների վերաբերյալ: Ստացված պարզաբանումների և դրանց կից ներկայացված նյութերի համադրման արդյունքում պարզ է դարձել, որ 31/12/2022 թվականի դրությամբ Դավիթ Դանիելյանին են պատկանել 3 անշարժ գույքեր, իսկ մեկ անշարժ գույքի մասով առկա է եղել կառուցվող շենքից գույք գնելու իրավունք: Անդրադարձ է կատարվել նաև մամուլում արձանագրված՝ Արտակ Խաչատրյանից ստացված եկամտին, որը ձևավորվել է Դավիթ Դանիելյանի նկարած նկարների վաճառքից: Պարզաբանման վերջնական գնահատման արդյունքում Հանձնաժողովը որոշել է ավարտել ստուգումը, քանի որ գույքային դրության վերաբերյալ ներկայացված տվյալների արժանահավատության և օրինականության վերաբերյալ կասկածներ առկա չեն եղել, իսկ ենթադրյալ իրավախախտման համար վարչական տույժ նշանակելու՝ Օրենսգրքի 37-րդ հոդվածի 7-րդ մասով սահմանված վաղեմության ժամկետներն անցել են:

3. *«Հակակոռուպցիոն դատարանի նախագահը խոշոր գումար, առանձնատուն և բնակարան է նվեր ստացել Խաչիկ Ղազարյան, Հակակոռուպցիոն դատարանի նախագահ», <http://surl.li/ogpup>, «Hetq.am» լրատվական կայք, դեկտեմբեր 13, 2023թ.:*

Հրապարակման մեջ շրջանառվող տեղեկատվության հիման վրա իրականացված տվյալների ստուգման շրջանակներում 2024 թվականին Խաչիկ Ղազարյանից պահանջվել է ներկայացնել պարզաբանում ինչպես մամուլում արձանագրված անհամապատասխանությունների, այնպես էլ Խաչիկ Ղազարյանի կողմից հայտարարագրված դրամական միջոցների և որպես նվիրատվություն ստացված եկամուտների ծագման աղբյուրի, հայտարարագրված այլ տվյալների

արժանահավատության վերաբերյալ, որոնց ի պատասխան՝ Խաչիկ Ղազարյանից ստացվել է պարզաբանում և պարզաբանումները հավաստող փաստաթղթեր: 31.03.2024թ. դրությամբ պարզաբանումները գնահատման փուլում են:

4. «Չարենցավանի համայնքապետը նախկին պարզամավոր Վահան Հարությունյանից 223 միլիոն դրամ եկամուտ է ստացել», <http://surl.li/jxvau>, «Hetq.am» լրատվական կայք, օգոստոս 9, 2023թ.:

Հրապարակման մեջ շրջանառվող տեղեկատվության հիման վրա իրականացված տվյալների ստուգման արդյունքում 2024 թվականին որոշում է կայացվել 2023 թվականի տարեկան հայտարարագրերի համադրմամբ իրականացնել Հակոբ Շահգալոյանի և իր ընտանքի անդամների կողմից ներկայացված հայտարարագրերի համալիր վերլուծություն:

5. «Որպես եկամուտ չհայտարարագրված վարկեր, վրիպակներ՝ ապօրինի գույքի բռնագանձման գործերով դադարապահ հայտարարագրում», <https://infocom.am/hy/article/115679>, «Infocom.am» լրատվական կայք, հոկտեմբեր 30, 2023թ.:

Հրապարակման մեջ շրջանառվող տեղեկատվության հիման վրա իրականացված տվյալների ստուգման շրջանակներում Հանձնաժողովը պարզել է, որ հրապարակմանը նախորդող ժամանակահատվածում, մասնավորապես 2023 թվականի հուլիսի 3-ին, Հանձնաժողով է մուտքագրվել Միհրան Բուլղադարյանի՝ հայտարարագրված տվյալներում փոփոխություն կատարելու վերաբերյալ դիմումը, որով վերջինս հայտնել է, որ բացթողման պատճառով չի լրացվել հաշվետու տարվա ընթացքում բնակելի տան ձեռքբերման համար ստացված 17.500.000 ՀՀ դրամ վարկի վերաբերյալ տվյալները: Վերը նշված դիմումի հիման վրա համապատասխան հայտարարագրում փոփոխություն կատարելու գործընթացը հայտարարագրման նոր էլեկտրոնային համակարգի տեխնիկական խնդիրների պատճառով հնարավոր չի եղել տվյալ փուլում ապահովել նշված փոփոխությունների կատարումը, ուստի Հանձնաժողովն ստուգման ընթացքում դրանք արդեն կատարված է դիտարկել: Միաժամանակ, ուսումնասիրությամբ պարզվել է, որ այդ բնակելի տան ձեռքբերման գործարքի վերաբերյալ տվյալները հայտարարագրված են եղել նույն հայտարարագրի «Բ.1.2.1. Տվյալ տարվա ընթացքում ձեռք բերված անշարժ գույք» բաժնում: Ինչ վերաբերում է հրապարակման մեջ արձանագրված մյուս առերևույթ անհամապատասխանություններին, ապա դրանց ուսումնասիրության արդյունքում Հանձնաժողովը հանգել է եզրակացության, որ հայտարարատուի գույքի, եկամուտների և կատարված ծախսերի օրինականության կամ արժանահավատության կասկած, ինչպես նաև վարչական իրավախախտման վերաբերյալ վարույթ հարուցելու կամ հայտարարագրերի վերլուծություն իրականացնելու հիմքեր առկա չեն, ուստի որոշել է ավարտել ուսումնասիրությունը՝

հիմք ընդունելով նմանատիպ դեպքերում Հանձնաժողովի իրավակիրառ պրակտիկան:

6. «1 բնակարան, 2 ավտոմեքենա, շուրջ 215 մլն դրամ եկամուտ. ինչ է հայտարարագրել Շավարշ Գրիգորյանը. «Ժողովուրդ»», <http://surl.li/ngeaz>, «Tert.am» լրատվական կայք, նոյեմբեր 10, 2023թ.:

Հրապարակման մեջ շրջանառվող տեղեկատվության հիման վրա իրականացված տվյալների ստուգման շրջանակներում 2024 թվականին Շավարշ Գրիգորյանից պահանջվել է ներկայացնել պարզաբանում 2020 թվականի պաշտոնեական պարտականությունները դադարեցնելու հայտարարագրում համապատասխան արժեթղթերի վերաբերյալ նշումներ չկատարելու, անշարժ գույքի օտարման, իր մասնակցությամբ կազմակերպությունից հնարավոր եկամտի ստացման մանրամասների վերաբերյալ, որին ի պատասխան՝ Շավարշ Գրիգորյանը ներկայացրել է համապատասխան պարզաբանումներ և հիմնավորող փաստաթղթեր իր բաժնեմասնակցության, բաժնեմասնակցությունից ստացված եկամտի և իրեն պատկանող անշարժ գույքի վերաբերյալ: Մասնավորապես, պարզվել է, որ Շավարշ Գրիգորյանը 2021 թվականին օտարել է իրեն պատկանող ք.Երևան, Կենտրոն համայնքում գտնվող անշարժ գույքը, սակայն շարունակել է 90 և ավելի օր փաստացի բնակվել նշված բնակարանում, ինչը և հայտարարագրվել է համապատասխանաբար: Որպես շահաբաժին ստացված եկամուտների վերաբերյալ պարզվել է, որ հայտարարատուի բաժնեմասնակցությամբ ընկերության կողմից 2021 թվականի արդյունքներով շահույթի բաշխման որոշումը կայացվել է 2022 մայիս ամսին՝ պաշտոնեական պարտականությունների դադարեցումից հետո, հետևաբար շահաբաժնի գծով եկամուտը ենթակա չի եղել հայտարարագրման: Պարզաբանման վերջնական գնահատման արդյունքում Հանձնաժողովը որոշել է ավարտել ստուգումը:

7. «ՔՊ-ական պարզամավորը 2019 թվականին տուն է գնել. ինչ ունեցվածք է հայտարարագրել Ռուստամ Բաքոյանը. «Ժողովուրդ»», <http://surl.li/ngdkr>, «Tert.am» լրատվական կայք, նոյեմբեր 17, 2023թ.:

Հրապարակման մեջ շրջանառվող տեղեկատվության հիման վրա իրականացված տվյալների ստուգման շրջանակներում 2024 թվականին Ռուստամ Բաքոյանից հայցվել է պարզաբանում արձանագրված անհամապատասխանությունների վերաբերյալ: Մասնավորապես, Հանձնաժողովն անդրադարձել է Ռուստամ Բաքոյանի դրամական միջոցների՝ տարեսկզբին և նախորդ տարեվերջին առկա մնացորդների անհամապատասխանություններին, հրապարակմամբ նշված՝ Ռուսաստանում գտնվող բնակարանին Ռուստամ Բաքոյանի առնչությանը և 2019 թվականին ձեռք բերված բնակելի տանը, ինչի վերաբերյալ

Ռուստամ Բաքոյանը 14/03/2024 թվականին ներկայացրել է իր պարզաբանումները: 31.03.2024թ. դրությամբ պարզաբանումները գնահատման փուլում են:

8. «Բացակայող տվյալներ և վրիպակներ Դատախազության՝ ապօրինի գույքի բռնագանձման վարչության պետի հայտարարագրերում», <http://surl.li/mqqgob>, «Infocom.am» լրատվական կայք, հոկտեմբեր 29, 2023թ.:

Հրապարակման մեջ շրջանառվող տեղեկատվության հիման վրա իրականացված տվյալների ստուգման շրջանակներում 2024 թվականին Սիրո Ամիրխանյանից և վերջինիս ընտանիքի անդամներից պահանջվել է ներկայացնել պարզաբանում արձանագրված անհամապատասխանությունների վերաբերյալ, որոնց վերջնական գնահատման արդյունքում, առկա չփարատված կասկածները հաշվի առնելով, Հանձնաժողովը որոշել է վերջիններիս 2023 թվականի տարեկան հայտարարագրերի ներկայացումից հետո իրականացնել Սիրո Ամիրխանյանի և նրա ընտանիքի անդամների կողմից ներկայացված հայտարարագրերի համալիր վերլուծություն:

9. «Ավանի ՔՊ-ական թաղապետի հայրը թաունհաուսների բիզնես է սկսել», <http://surl.li/sflhk>, «Hetq.am» լրատվական կայք, սեպտեմբեր 15, 2023թ.:

Հրապարակման մեջ շրջանառվող տեղեկատվության հիման վրա իրականացված տվյալների ստուգման շրջանակներում Մանվել Հակոբյանին սեփականության իրավունքով պատկանող Ավան վարչական շրջանում գտնվող տունը չհայտարարագրելու հանգամանքն ուսումնասիրելու արդյունքում Հանձնաժողովը պարզել է, որ հրապարակումից հետո՝ 26/09/2023 թվականին, Մանվել Հակոբյանը ներկայացրել է ուղղման դիմում՝ 2022 թվականի տարեկան հայտարարագրում բնակարանի տվյալներն ավելացնելու համար, սակայն ուղղման դիմումից պարզ չի եղել, թե ո՞ր բնակարանի մասին է խոսքը: 2024 թվականին Հանձնաժողովը որոշել է վերադարձնել Մանվել Հակոբյանի կողմից ներկայացրած դիմումը՝ առաջարկելով նշել դիմումի մեջ նշված գույքը նույնականացնող տվյալներ: Այդուհանդերձ, հաշվի առնելով այն հանգամանքը, որ դիմումը ներկայացված է եղել հրապարակմանը նախորդող ժամանակահատվածում՝ Հանձնաժողովը որոշել է առերևույթ անհամապատասխանությունները դիտարկել դիմումով հայցվող փոփոխման ենթակա տվյալների հետ համադրմամբ:

10. «Հաշվետու եմ միայն ԿԿՀ-ին. Հակակոռուպցիոն կոմիտեի վարչության պետը՝ իր հայտարարագրում առկա խնդրահարույց կետերի մասին», <http://surl.li/mqqgmu>, «infocom.am» լրատվական կայք, հոկտեմբեր 29, 2023թ.:

Հրապարակման մեջ շրջանառվող տեղեկատվության հիման վրա դեռևս 2023 թվականին Հանձնաժողովն սկսվել էր Գարեգին Բեգոյանի հայտարարագրած

տվյալների ստուգում: Մինչ այդ, Գարեգին Բեգոյանի բարեվարքության վերաբերյալ իրականացվել էր ուսումնասիրություն, որի շրջանակներում վերջինս պարզաբանում էր ներկայացրել նաև իրապարակման մեջ շրջանառվող առերևույթ անհամապատասխանությունների վերաբերյալ, մասնավորապես՝ 2018 թվականի տարեվերջի և 2019 թվականի տարեսկզբի, 2019 թվականի տարեվերջի և 2020 թվականի տարեսկզբի, 2020 թվականի տարեվերջի և 2021 թվականի տարեսկզբի դրությամբ «Հանձնած և վերադարձված փոխառություններ» և «Հաշվետու տարվա եկամուտներ» ենթաբաժիններում հայտարարագրված առերևույթ անհամապատասխանությունները լրացման կարգի մանրամասներին լիարժեք չտիրապետելու և տեխնիկական վրիպակի հետևանք են:

Պարզաբանումների գնահատման արդյունքում Հանձնաժողովն արձանագրել է, որ Գարեգին Բեգոյանի կողմից հայտարարագրված տվյալների արժանահավատության և օրինականության վերաբերյալ կասկածներ առկա չեն, ինչպես նաև Օրենսգրքի 169.28-րդ հոդվածի 5-րդ մասով նախատեսված վարչական իրավախախտումների վերաբերյալ գործերով վարչական տույժ նշանակելու՝ Օրենսգրքի 37-րդ հոդվածի 7-րդ մասով սահմանված վաղեմության ժամկետները սպառվել են: Նշվածի համատեքստում հայտարարատուին առաջարկվել է համապատասխան հայտարարագրված տվյալներում փոփոխություն կատարելու վերաբերյալ դիմում ներկայացնել:

Վերոնշյալ և Հանձնաժողովի կողմից արձանագրված այլ անհամապատասխանությունները վերացնելու նպատակով Գարեգին Բեգոյանը ներկայացրել է հայտարարագրերում փոփոխություն կատարելու դիմում:

*11. «Մինչ 2018 թվականը երբեք չաշխատած ՔՊ-ական պարզամավորը հարստացել է. ինչ ունեցվածք են հայտարարագրել Միքայել Թումասյանն ու նրա կինը. «Ժողովուրդ»», <http://surl.li/msjfq>, նոյեմբեր 1, 2023թ.:*

Հրապարակման մեջ շրջանառվող տեղեկատվության հիման վրա իրականացված տվյալների ստուգման շրջանակներում 2024 թվականին Հանձնաժողովը որոշել է արձանագրված անհամապատասխանությունների վերաբերյալ գրավոր պարզաբանում հայցել Միքայել Թումասյանից և նրա ընտանիքի անդամից: Վերջիններիս կողմից ներկայացրած պարզաբանումների և դրանք հիմնավորող փաստաթղթերի գնահատման արդյունքում Հանձնաժողովը պարզել է, որ վերջիններիս դրամական միջոցների առաջնային ծագման աղբյուրը հանդիսացել է 2012 թվականին անշարժ գույքի վաճառքից ստացված եկամուտը: Հաշվի առնելով արձանագրված այլ անհամապատասխանությունների բնույթը՝ Հանձնաժողովը եզրահանգել է, որ գույքային դրության վերաբերյալ ներկայացված տվյալների արժանահավատության և օրինականության վերաբերյալ կասկածներ, ինչպես նաև



հայտարարագրերի համալիր վերլուծության համար նշանակություն ունեցող հանգամանքներ առկա չեն:

12. «*«Չունեցած» ավտոմեքենաների վաճառք, խոշոր չափի կանխիկ՝ Հակակոռուպցիոն կոմիտեի քննիչի հայտարարագրում»*, <http://surl.li/KNPPT>, «*infocom.am*» լրատվական կայք, օգոստոս 25, 2023թ.:

Հրապարակման մեջ շրջանառվող տեղեկատվության հիման վրա դեռևս 2023 թվականին Հանձնաժողովն սկսել էր հայտարարագրերում հայտարարագրված տվյալների ստուգում: Մինչ այդ, Վահե Խաչատրյանի բարեվարքության վերաբերյալ իրականացվել էր ուսումնասիրություն, որի շրջանակներում վերջինս պարզաբանում էր ներկայացրել նաև հրապարակման մեջ շրջանառվող առերևույթ անհամապատասխանությունների վերաբերյալ, մասնավորապես՝ «Դրամական միջոցներ» և «Տրանսպորտի միջոց» բաժիններում հայտարարագրված առերևույթ անհամապատասխանությունները տեխնիկական վրիպակի արդյունք են:

Պարզաբանումների գնահատման արդյունքում Հանձնաժողովն արձանագրել է, որ Վահե Խաչատրյանի և վերջինիս ընտանիքի անդամի կողմից հայտարարագրված տվյալների արժանահավատության և օրինականության վերաբերյալ կասկածներ առկա չեն, ինչպես նաև Օրենսգրքի 169.28-րդ հոդվածի 5-րդ մասով նախատեսված վարչական իրավախախտումների վերաբերյալ գործերով վարչական տույժ նշանակելու՝ Օրենսգրքի 37-րդ հոդվածի 7-րդ մասով սահմանված վաղեմության ժամկետները սպառվել են: Նշվածի համատեքստում և այդ հիմքով հայտարարատուին առաջարկվել է համապատասխան հայտարարագրված տվյալներում փոփոխություն կատարելու վերաբերյալ դիմում ներկայացնել:

13. «*Դիանա Գասպարյանի սկեսուրն էջմիածնում ապօրինի շինարարություն է սկսել*», <http://surl.li/nytls>, «*Hetq.am*» լրատվական կայք, դեկտեմբեր 5, 2023թ.:

Հրապարակման մեջ շրջանառվող տեղեկատվության հիման վրա իրականացված տվյալների ստուգման շրջանակներում Հանձնաժողովը 2024 թվականի հունվարի 29-ի նիստում որոշել է իրականացնել Արմավիրի մարզի Վաղարշապատ համայնքի ղեկավար Դիանա Գասպարյանի, Արմավիրի մարզի Վաղարշապատ համայնքի ավագանու անդամ Արամայիս Միրզոյանի և Արմավիրի մարզի Արաքս համայնքի ավագանու անդամ Շահեն Շահինյանի, ինչպես նաև վերջիններիս ընտանիքի անդամների հայտարարագրերի համալիր վերլուծություն:

14. «*Հակակոռուպցիոն կոմիտեի քննիչը 77 մլն դրամի ավանդ ունի*», <http://surl.li/nszhg>, նոյեմբեր 29, 2023թ.:

Հրապարակման մեջ շրջանառվող տեղեկատվության հիման վրա Հանձնաժողովն իրականացրել է Վարդան Մանուկյանի կողմից ներկայացված հայտարարագրերի առջությամբ մամուլում տեղ գտած հրապարակմամբ

արձանագրված առերևույթ խնդիրների վերաբերյալ ստուգում: Հանձնաժողովն իրականացրել է նաև Վարդան Մանուկյանի բարեվարքության վերաբերյալ ուսումնասիրություն, որի շրջանակներում վերջինիս կողմից ներկայացվել է պարզաբանում նաև ավանդի գումարի առաջնային ծագման աղբյուրի վերաբերյալ: Մասնավորապես, Վարդան Մանուկյանը բարեվարքության ուսումնասիրության շրջանակներում պարզաբանել է, որ ավանդը ներդրվել է երկու անշարժ գույքերի վաճառքից ստացված եկամտի ստացման արդյունքում և Հանձնաժողով է ներկայացրել համապատասխան փաստաթղթերը: Արդյունքում Հանձնաժողովը եզրահանգել է, որ գույքային դրության վերաբերյալ ներկայացված տվյալների արժանահավատության և օրինականության վերաբերյալ կասկածներ առկա չեն:

15. «4,5 մլն դրամ, 21 հազար դոլար կանխիկ գումար, ևս 4,5 մլն դրամ՝ բանկային հաշիվներին. միայն «աշխատավարձով ապրող» Արմեն Ղուլարյանի ունեցվածքն ու հարուստ կարիերան. «Ժողովուրդ», <http://surl.li/opwyn>, «Tert.am» լրատվական կայք, դեկտեմբեր 19, 2023թ.:

Հրապարակման մեջ շրջանառվող տեղեկատվության հիման վրա իրականացված տվյալների ստուգման շրջանակներում 2024 թվականին Հանձնաժողովն արձանագրել է, որ Արմեն Ղուլարյանի պաշտոնն ընդգրկված է Հանձնաժողովի՝ 2022 թվականի հոկտեմբերի 19-ի N 02-Լ և 2023 թվականի մայիսի 29-ի N 01-Լ որոշումներով հաստատված՝ հայտարարագրերի վերլուծության դիսկային չափորոշիչներով սահմանված պետական պաշտոնների ցանկում: Հանձնաժողովն իրականացրել է Արմեն Ղուլարյանի և նրա ընտանիքի անդամների 2021 և 2022 թվականների տարեկան հայտարարագրերի վերլուծություն: Վերլուծության արդյունքները քննարկվել են Հանձնաժողովի նիստում, որոշում է կայացվել արձանագրված առերևույթ անհամապատասխանությունների վերաբերյալ պարզաբանում հայցել Արմեն Ղուլարյանից և նրա ընտանիքի անդամից:

16. «ԴԴ 2 քաղաքացի էկոնոմիկայի փոխնախարար Նարեկ Տերյանից պահանջում է 450 000 դոլար պարտք վերադարձնել փոխնախարարը հերքում է, որ գումար է վերցրել», <http://surl.li/sfllt>, «Factor.am» լրատվական կայք, մայիս 16, 2023:

Հրապարակման մեջ շրջանառվող տեղեկատվության հիման վրա հայտարարագրված տվյալների ստուգման արդյունքում Հանձնաժողովը որոշում է կայացրել իրականացնել Նարեկ Տերյանի և նրա ընտանիքի անդամի կողմից ներկայացված հայտարարագրերի համալիր վերլուծություն: Վերլուծության արդյունքում արձանագրված առերևույթ անհամապատասխանությունների վերաբերյալ Հանձնաժողովը Նարեկ Տերյանից և նրա ընտանիքի անդամից հայցել է պարզաբանում:

Նարեկ Տերյանի և ընտանիքի անդամի կողմից ներկայացվել է պարզաբանում, որը գնահատման փուլում է:

17. «Հատուկ նիստ՝ Պապիկյանի՝ \$ 105.000 առեղծվածը բացահայտելու համա՞ր. ԿԿՀ-ի արտառոց պատասխանը», <https://shorturl.at/elmKW>, «Yerkir.am» լրատվական կայք, օգոստոս 28, 2023թ., «Պապիկյանի հարսանիքի \$ 105,000-ի առեղծվածը. պարզաբանումը՝ նոր հարցերի տեղիք», <https://shorturl.at/yNU39>, «Yerkir.am» լրատվական կայք, օգոստոս 15, 2023թ.:

Հրապարակումների մեջ շրջանառվող տեղեկատվության հիման վրա հայտարարագրված տվյալների ստուգման արդյունքում Հանձնաժողովը որոշել է իրականացնել Սուրեն Պապիկյանի և նրա ընտանիքի անդամների 2022 թվականի տարեկան հայտարարագրերի վերլուծություն: Վերլուծության արդյունքում արձանագրված անհամապատասխանությունների և պարզաբանման ենթակա հարցերի վերաբերյալ Հանձնաժողովը Սուրեն Պապիկյանից և նրա կնոջից հայցել է պարզաբանումներ, այդ թվում՝ որպես եկամուտ հայտարարագրված նվիրատվության գումարների վերաբերյալ, որոնց հանրագումարը դոլարային արտահայտությամբ կազմել է մոտ 78,200 ԱՄՆ դոլար: Ս.Պապիկյանը, ի թիվ այլ հարցերի, պարզաբանել է, որ նշված գումարը ստացել է հարսանիքի 490 հյուրերից, ներկայացրել է նաև նվիրատվության գումարները բանկային հաշիվներին մուտքագրելու գործարքները հիմնավորող բանկային քաղվածքները, հարսանեկան միջոցառման կազմակերպման և իրականացման համար կատարված ծախսերը, անկանխիկ եղանակով իրականացված ծախսերի վճարման հանձնարագրերը: Ստացված պարզաբանումների գնահատման արդյունքում Հանձնաժողովն արձանագրել է, որ անհամապատասխանությունների վերաբերյալ Սուրեն Պապիկյանի կողմից ներկայացված պարզաբանումները փարատել են Հանձնաժողովի կասկածները, օրենքով Հանձնաժողովին վերապահված լիազորությունների շրջանակում այլ գործողություններ իրականացնելու իրավասություն չունի, ուստի որոշում է կայացվել վերլուծությունը համարել ավարտված, իսկ կնոջ՝ Արմինե Մուրադյանի մասով նախաձեռնվել է վարչական իրավախախտման վերաբերյալ վարույթ (1457.pdf (cpcarmenia.am)):

18. «ՆԳ փոխնախարարի պաշտոնյա ամուսինը չի հայտարարագրել իր բաժնեմասը», <https://shorturl.at/pwlO8>, «Hetq.am» լրատվական կայք, հունվար 21, 2023թ.:

Հրապարակման մեջ շրջանառվող տեղեկատվության հիման վրա հայտարարագրված տվյալների ստուգման արդյունքում Հանձնաժողովը որոշել է իրականացնել Արշակ Վարդապետյանի և Արփինե Սարգսյանի կողմից ներկայացված հայտարարագրերի համալիր վերլուծություն: Վերլուծության արդյունքում արձանագրված պարզաբանման ենթակա հարցերի վերաբերյալ

Հանձնաժողովն Արշակ Վարդապետյանից և Արփինե Սարգսյանից հայցել է պարզաբանում: Ստացված պարզաբանումների գնահատման արդյունքում Հանձնաժողովը որոշել է, որ Արշակ Վարդապետյանի և Արփինե Սարգսյանի գույքային դրության վերաբերյալ ներկայացված տվյալների արժանահավատության և օրինականության վերաբերյալ կասկածներ առկա չեն և թույլատրել է Արշակ Վարդապետյանին հայտարարագրված տվյալներում կատարել փոփոխություն:

19. «Ներքին գործերի նորանշանակ փոխնախարար Դավիթ Համբարյանը չի հայտարարագրել իր բաժնեմասը», <https://shorturl.at/vyAHZ>, «Hetq.am» լրատվական կայք, հունվար 24, 2023թ.:

Հրապարակման մեջ շրջանառվող տեղեկատվության հիման վրա հայտարարագրված տվյալների ստուգման արդյունքում Հանձնաժողովը որոշել է իրականացնել Դավիթ Համբարյանի և նրա ընտանիքի անդամների կողմից ներկայացված հայտարարագրերի համալիր վերլուծություն: Վերլուծության արդյունքում արձանագրված պարզաբանման ենթակա հարցերի և անհամապատասխանությունների վերաբերյալ Հանձնաժողովը Դավիթ Համբարյանից և կնոջից հայցել է պարզաբանումներ: Ստացված պարզաբանումների գնահատման արդյունքում Հանձնաժողովն արձանագրել է, որ անհամապատասխանությունների վերաբերյալ Դավիթ Համբարյանի կողմից ներկայացված պարզաբանումները փարատել են Հանձնաժողովի կասկածները, օրենքով Հանձնաժողովին վերապահված լիազորությունների շրջանակում այլ գործողություններ իրականացնելու իրավասություն չունի, ուստի որոշում է կայացվել վերլուծությունը համարել ավարտված և թույլատրել հայտարարագրված տվյալներում կատարել փոփոխություն, իսկ կնոջ՝ Էմմա Խաչատրյանի մասով նախաձեռնել վարչական իրավախախտման վերաբերյալ վարույթ:

20. «ԲՀԿ-ից ՔՊ. Բագրատյանի ունեցվածքը. «Ժողովուրդ»», <https://shorturl.at/kmNUW>, «Armlur.am», լրատվական կայք, հուլիս 27, 2023թ.:

Հրապարակման մեջ շրջանառվող տեղեկատվության հիման վրա հայտարարագրված տվյալների ստուգման արդյունքում Հանձնաժողովը որոշել է իրականացնել Սերգեյ Բագրատյանի և նրա ընտանիքի անդամների կողմից ներկայացված հայտարարագրերի համալիր վերլուծություն: Վերլուծության արդյունքում արձանագրված պարզաբանման ենթակա հարցերի և անհամապատասխանությունների վերաբերյալ Հանձնաժողովը Սերգեյ Բագրատյանից և նրա կնոջից հայցել է պարզաբանումներ և հիմնավորող փաստաթղթեր: Ստացված պարզաբանումները գնահատման փուլում են:

Մամուլի 2024 թվականի հրապարակումների հիման վրա 2024 թվականի առաջին եռամսյակում Հանձնաժողովի կողմից իրականացվել են հետևյալ գործողությունները՝

21. «Անհամապատասխանություններ՝ Աղվան Վարդանյանի հայտարարագրած գույքի, ծախսերի ու եկամուտների միջև», <http://surl.li/rbzww>, «Infocom.am» լրատվական կայք, փետրվար 29, 2024թ.:

Հրապարակման մեջ շրջանառվող տեղեկատվության հիման վրա իրականացված տվյալների ստուգման արդյունքում Հանձնաժողովը որոշել է իրականացել Աղվան Վարդանյանի և նրա ընտանիքի անդամների հայտարարագրերի համալիր վերլուծություն:

22. «Միլիոնավոր դրամների շեղում ՔՊ-ական պարզամավոր ամուսինների փաստաթղթերում. բացահայտում. «Ժողովուրդ»», <http://surl.li/qejoe>, «Armlur.am» լրատվական կայք, փետրվար 03, 2024թ.:

Հրապարակման մեջ շրջանառվող տեղեկատվության հիման վրա իրականացվել է Լենա Նազարյանի և Նարեկ Բաբայանի կողմից ներկայացված հայտարարագրերի առջությամբ մամուլում տեղ գտած հրապարակմամբ արձանագրված առերևույթ խնդիրների վերաբերյալ ստուգում: Հանձնաժողովն արձանագրել է, որ վերոնշյալ հրապարակման մեջ նշված գույքի արժեքի անհամապատասխանության վերաբերյալ 2023 թվականի հուլիսի 12-ին Հանձնաժողով է մուտքագրվել Լենա Նազարյանի՝ 2022 թվականի տարեկան հայտարարագրում փոփոխություն կատարելու վերաբերյալ դիմումը, սակայն հայտարարագրման էլեկտրոնային նոր համակարգում տեխնիկական ապահովվածության բացակայության պատճառով հնարավոր չի եղել ապահովել հայտարարագրում համապատասխան փոփոխությունը: Հանձնաժողովն արձանագրել է նաև այլ անհամապատասխանություններ, որոնց բնույթն ու ենթադրյալ իրավախախտման համար վարչական տույժ նշանակելու՝ Օրենսգրքի 37-րդ հոդվածի 7-րդ մասով սահմանված վաղեմության ժամկետների անցած լինելը հաշվի առնելով՝ 26.02.2024 թվականի նիստում որոշել է Նարեկ Բաբայանին և Լենա Նազարյանին առաջարկել Հանձնաժողով ներկայացնել հայտարարագրված այդ տվյալներում փոփոխություն կատարելու վերաբերյալ դիմում: Հանձնաժողովը եզրահանգել է, որ գույքային դրության վերաբերյալ ներկայացված տվյալների արժանահավատության և օրինականության վերաբերյալ կասկածներ առկա չեն:

23. «Արդյոք Նուարդ Վարդանյանի հայտարարագրում կեղծիք կա. «Ժողովուրդ»», <https://rb.gy/uasppv>, «Tert.am» լրատվական կայք, փետրվար 23, 2024թ.:

Հրապարակման մեջ շրջանառվող տեղեկատվության հիման վրա Հանձնաժողովը սկսել է ուսումնասիրություն:

## Անհամատեղելիություն վերաբերյալ հրապարակումներ

1. «Ավագանու ՔՊ խմբակցության մի շարք անդամներ ավագանու անդամի պաշտոնի հետ անհամատեղելի պաշտոններ են զբաղեցնում», <http://surl.li/qfndz>, «Aravot.am» լրատվական կայք, փետրվար 6, 2024թ.:

Հրապարակման մեջ շրջանառվող տեղեկատվության համաձայն՝ ԱԺ նախագահի ռեֆերենտ Զինա Չալիկյանը, Անտառային կոմիտեի նախագահ Վլադիմիր Կիրակոսյանը, Քաղաքացիական պայմանագիր կուսակցության խմբակցության փորձագետ Նատալյա Սինորյանը, ԱԺ նախագահի խորհրդական Արման Բարխուդարյանը, ԱԺ աշխատակազմի ղեկավարի օգնական Լևոն Լևոնյանը, իրենց պաշտոններին զուգահեռ զբաղեցնում են համայնքի ավագանու անդամի պաշտոն:

Հանձնաժողովը հրապարակման մեջ տեղ գտած յուրաքանչյուր պաշտոնատար անձի առնչությամբ իրականացրել է առանձին ուսումնասիրություն՝ վերջիններիս կողմից անհամատեղելիության պահանջների խախտման առկայությունը որոշելու նպատակով:

Մասնավորապես, ուսումնասիրվել են պաշտոնատար անձանց հայտարարագրերը և Հանձնաժողովին հասանելի պետական տեղեկատվական շտեմարաններում առկա տվյալները, ինչի արդյունքում հաստատվել է, որ հրապարակման սուբյեկտ հանդիսացած անձինք հանրային պաշտոնում պաշտոնավարմանը զուգահեռ զբաղեցրել են համայնքի ավագանու անդամի պաշտոն:

Հանձնաժողովը, քննարկելով հարցը «Հանրային ծառայության մասին» և «Տեղական ինքնակառավարման մասին» օրենքների կարգավորումների համատեքստում, գտել է, որ հանրային/հանրային ծառայության պաշտոնների և ավագանու անդամի պաշտոնի համատեղելիությունը ենթակա է քննարկման հանրային պաշտոնին ներկայացվող պահանջների համատեքստում, որտեղ վերջիններիս՝ պետական կամ տեղական ինքնակառավարման այլ մարմիններում իրենց կարգավիճակով չպայմանավորված պաշտոն զբաղեցնելու արգելքը բացարձակ է: Հետևապես, հանրային/հանրային ծառայության պաշտոն զբաղեցնող անձի համար համայնքի ավագանու անդամի պաշտոնը դիտարկվում է անհամատեղելի:

Հանձնաժողովը սույն դեպքերի առնչությամբ հարուցել է համապատասխան վարույթներ, որոնք ընթացքի մեջ են:

Նույն անձանց առնչությամբ առկա են եղել հրապարակումներ նաև այլ լրատվամիջոցների կողմից՝

- [https://mediahub.am/post/16c6720c628d7bcc?fbclid=IwAR1qVA68K3etGGxyYu7KOnIIHINFNhptn1WJLBvmJxQKu1p13ouZF2z0WpM\\_aem\\_AQX8lnaudj\\_3\\_MmA9CaaKB9Adv05VmA0mCF5D2o90RUSuFgLM7f9tXI03Ld0u4\\_Sdil](https://mediahub.am/post/16c6720c628d7bcc?fbclid=IwAR1qVA68K3etGGxyYu7KOnIIHINFNhptn1WJLBvmJxQKu1p13ouZF2z0WpM_aem_AQX8lnaudj_3_MmA9CaaKB9Adv05VmA0mCF5D2o90RUSuFgLM7f9tXI03Ld0u4_Sdil),
- <https://ankakh.com/hy/article/149309>
- <https://infopress.am/31048/>
- <https://armlur.am/1341274/>
- <https://auroraneews.am/news/2024-02-06-gp-akan-avaganu-andamnery-mi-qani-or-zhamanak-unen-oroosum-kayatsnelu-vayr-dnel-kam-toghnel-pashtony>
- <https://lurer.com/?p=554390&l=en>:

2. «Կա՛մ մանդարից պիտի հրաժարվեն, կա՛մ զբաղեցրած պաշտոնից. ուշագրավ իրավիճակ՝ Երևանի ավագանիում», <http://surl.li/sfkqd>, «Mediahub.am» լրատվական կայք, հունվար 30, 2024թ.:

Հրապարակման մեջ շրջանառվող տեղեկատվության համաձայն՝ ԱԺ պատգամավորի օգնական Սամվել Հակոբյանն իր պաշտոնին զուգահեռ զբաղեցնում է համայնքի ավագանու անդամի պաշտոնը:

Հանձնաժողովն ուսումնասիրել է Սամվել Հակոբյանի հայտարարագիրը և Հանձնաժողովին հասանելի՝ պետական տեղեկատվական շտեմարեններում առկա տվյալները, ինչի արդյունքում արձանագրել է, որ վերջինս հանրային պաշտոնում պաշտոնավարմանը զուգահեռ զբաղեցնում է համայնքի ավագանու անդամի պաշտոն:

Հանձնաժողովը, քննարկելով հարցը «Հանրային ծառայության մասին» և «Տեղական ինքնակառավարման մասին» օրենքների կարգավորումների համատեքստում, գտել է, որ հանրային/հանրային ծառայության պաշտոնների և ավագանու անդամի պաշտոնի համատեղելիությունը ենթակա է քննարկման հանրային պաշտոնին ներկայացվող պահանջների համատեքստում, որտեղ վերջիններիս՝ պետական կամ տեղական ինքնակառավարման այլ մարմիններում իրենց կարգավիճակով չպայմանավորված պաշտոն զբաղեցնելու արգելքը բացարձակ է: Հետևապես, հանրային/հանրային ծառայության պաշտոն զբաղեցնող անձի համար համայնքի ավագանու անդամի պաշտոնն անհամատեղելի պաշտոն է:

Հանձնաժողովը սույն գործի առնչությամբ հարուցել է համապատասխան վարույթ, որն ընթացքի մեջ է:



3. «Ինչ ունեցվածք ունի ՏԿԵ նախարարի երկրասարդ տեղակալ Արմեն Սիմոնյանը. «Ժողովուրդ»», <http://surl.li/pxbrg>, «Tert.am» Լրատվական կայք, հունվար 25, 2024թ.:

Նյութում նշվում է. «(...) Նախարար Գնել Սանոսյանի տեղակալ Սիմոնյանն ունի եկամտի հիմնական 2 աղբյուր, երկուսն էլ աշխատանքի վարձատրություն է ՀՀ ՏԿԵ նախարարությունից՝ 14 մլն 426 հազար դրամ, եւ «ՏՐԱՍԵԿԱ»-ից՝ 15 հազար 600 եվրո»:

Վերոգրյալ նյութի վերաբերյալ Հանձնաժողովի համապատասխան ստորաբաժանման կողմից իրականացվել է ուսումնասիրություն, ըստ որի՝ նշված պաշտոնը զբաղեցնող անձից հայցվել է տեղեկություն, ինչպես նաև Հանձնաժողովի նիստում գնահատվել է «Տրասեկա» միջկառավարական հանձնաժողովում գործունեություն իրականացնելը և փոխհատուցում ստանալը և Հանձնաժողովի կողմից նշված գործունեությունն անհամատեղելիության պահանջների խախտում չի որակվել:

### **Շահերի բախման վերաբերյալ հրապարակումներ**

1. «Դիանա Գասպարյանի սկեսուրն Էջմիածնում ապօրինի շինարարություն է սկսել», <http://surl.li/nytls>, «Hetq.am» լրատվական կայք, դեկտեմբեր 5, 2023թ.:

Հրապարակման մեջ շրջանառվող տեղեկատվության համաձայն՝ Վաղարշապատ համայնքի ղեկավար Դիանա Գասպարյանը շինարարական թույլտվություններ է տրամադրել իր հետ փոխկապակցված անձի՝ իր ամուսնու՝ Արամայիս Միրզոյանի մորը պատկանող «Նարե Պյուս» ՍՊ ընկերությանը: Միաժամանակ, հրապարակման մեջ հիշատակվում է, որ «Նարե Պյուս» ՍՊ ընկերությանը նշված շինարարական թույլտվությունները տրամադրվել են շինարարությունը սկսելուց հետո միայն, իսկ համայնքի ղեկավարի համապատասխան որոշումները չեն հրապարակվել համայնքապետարանի կայքէջում:

Հրապարակման մեջ անդրադարձ է կատարվում նաև Դիանա Գասպարյանի ամուսնու հոր՝ Աշոտ Միրզոյանի կողմից իր աշխատակցին՝ Շ. Շահինյանին փոխառության տրամադրման և նշված փոխառությամբ գնված համայնքային սեփականությամբ հողատարածքը Աշոտ Միրզոյանի կնոջ բաժնեմասնակցությամբ՝ «Նարե Պյուս» ՍՊ ընկերությանը վաճառելու դեպքին:

Հանձնաժողովը սույն գործը քննել է «Հանրային ծառայության մասին» օրենքով սահմանված շահերի բախման կարգավորումների համատեքստում, որի շրջանակում ուսումնասիրել է Դիանա Գասպարյանի և Արամայիս Միրզոյանի հայտարարագրերը, Իրավաբանական անձանց պետական ռեգիստրի գործակալության էլեկտրոնային



համակարգում առկա, ինչպես նաև Հանձնաժողովին հասանելի պետական տեղեկատվական այլ շտեմարանների տվյալները: 2024 թվականի մարտի 31-ի դրությամբ ուսումնասիրությունը եղել է ընթացքի մեջ:

Միաժամանակ, «Հետք» լրատվական կայքի հրապարակմամբ ներկայացված՝ ՀՀ քրեական օրենսգրքով նախատեսված ենթադրյալ հանցագործության հատկանիշները քննելու նպատակով Հանձնաժողովը սույն թվականի մարտի 5-ին հաղորդում է ներկայացրել ՀՀ գլխավոր դատախազություն:

2. ««Հրապարակ». «Փաշինյանի խորհրդականի հկ-ն պետությունից խոշոր դրամաշնորհներ է ստանում», <http://surl.li/qttfjk>, «Hraparak.am» լրատվական կայք, փետրվար 21, 2024թ.:

Հրապարակման մեջ շրջանառվող տեղեկատվության համաձայն՝ 2023 թվականի հունվարին 19-ին «Լիարժեք կյանք» ներառական հասարակության խթանման հասարակական կազմակերպության նախագահ Սուրեն Մաղաքյանը նշանակվել է ՀՀ վարչապետի խորհրդական: Նշված հասարակական կազմակերպությանը մինչ Ս. Մաղաքյանի՝ խորհրդականի պաշտոնի ստանձնումը և դրանից հետո մասնակցել է Աշխատանքի և սոցիալական հարցերի և Կրթության, գիտության, մշակույթի և սպորտի նախարարությունների կողմից դրամաշնորհների տրամադրման նպատակով հայտարարված մրցույթներին և հաղթող է ճանաչվել, համապատասխանաբար 2022 թվականին՝ 4, 2023 թվականին՝ 6 և 2024 թվականին՝ թվով 2 մրցույթներում:

Թեև «Հանրային ծառայության մասին» օրենքի (այսուհետ՝ Օրենք) իմաստով՝ հասարակական հիմունքներով նշանակված խորհրդականի պաշտոնը չի դիտարկվում որպես պետական պաշտոն և վերջինիս նկատմամբ կիրառելի չեն Օրենքով սահմանված պահանջները՝ Հանձնաժողովն ուսումնասիրել է հրապարակման մեջ շրջանառվող տեղեկությունները՝ շահերի բախման կարգավորումների համատեքստում:

Հաշվի առնելով, որ նշված կազմակերպությունը գործունեություն է ծավալում 2005 թվականից և հիմնադրման պահից ի վեր ստացել է պետական տարբեր դրամաշնորհներ, իսկ Ս. Մաղաքյանի՝ պաշտոնի նշանակվելուց հետո դրամաշնորհների տրամադրման առերևույթ աճ/ավելացում չի արձանագրվել՝ ուսումնասիրությունն ավարտվել է:

3. «30 հազար դոլար են ծախսել մեկ ջերմոց կառուցելու համար, որոնցից 4-ը հեղու քանդվել է. Սիմիդյանի նախարարությունում բարձրորդի վիճակ է», <http://surl.li/rblqgh>, «Armlur.am» լրատվական կայք, փետրվար 28, 2024թ.:

Հրապարակման մեջ շրջանառվող տեղեկատվության համաձայն՝ Շրջակա միջավայրի նախարարության անտառային կոմիտեի (Էկոպարեկային ծառայություն) «Հայանտառ» ՊՈԱԿ-ը ՄԱԿ-ի Պարենի և գյուղատնտեսության կազմակերպության տարածաշրջանային գրասենյակի հետ համատեղ իրականացրել են «Հայաստանում անտառների դիմակայության բարձրացում՝ մեղմացման միջոցառումների շնորհիվ հարմարեցման և գյուղական վայրերում կանաչ տարածությունների ընդլայնման միջոցով» ծրագիրը:

Ծրագրի շրջանակում կառուցվել է թվով 6 ջերմոց (յուրաքանչյուրի արժողությունը՝ մոտ 30 հազար ԱՄՆ դոլար), որից 4-ը սակայն քանդվել է: Ըստ լրատվականի՝ դրամաշնորհի պլանային կատարումն իրականացրել է ոչ թե Պարենի և գյուղատնտեսության կազմակերպությունը, այլ Շրջակա միջավայրի նախարարության Բնապահպանական ծրագրերի իրականացման գրասենյակը:

Միաժամանակ, Բնապահպանական ծրագրերի իրականացման գրասենյակի տնօրեն Արմեն Եսոյանը ջերմոցները կառուցելիս համագործակցել է ներկայիս Էկոպարեկային ծառայության ղեկավար Վլադիմիր Կիրակոսյանի և «Հայանտառ» ՊՈԱԿ-ի տնօրեն Սևակ Մարկոսյանի հետ: Ըստ հրապարակման՝ այն ընկերությունները, որոնք ստանձնել են անտառտնտեսության ջերմոցների կառուցումը, փոխկապակցված են նշված անձանց հետ:

Հրապարակման մեջ նշված պնդման վերաբերյալ տեղեկությունները ստուգելու նպատակով՝ Հանձնաժողովը սույն թվականի մարտի 22-ին գրավոր հարցմամբ դիմել է Շրջակա միջավայրի նախարարությանը՝ խնդրելով Հանձնաժողովին տրամադրել տեղեկատվություն նշված ծրագրի շրջանակներում նախատեսված ջերմոցների կառուցմամբ զբաղվող կամ այլ կերպ, այդ թվում՝ գնումների գործընթացների միջոցով ծառայություններ և ապրանքներ մատակարարող ընկերությունների վերաբերյալ: Հարցմանն ի պատասխան ստացված տեղեկատվության վերլուծության արդյունքում արձանագրվել է, որ ծրագրի իրականացման գործընթացում ներգրավված, մասնավորապես՝ ջերմատների կառուցման համար պատվիրված գնման արդյունքում հաղթող ճանաչված ընկերության և հրապարակմամբ նշված պաշտոնատար անձանց միջև փոխկապակցվածությունը բացակայում է, հետևապես, առերևույթ շահերի բախման հատկանիշներ առկա չեն:

## Կուսակցությունների ֆինանսական գործունեություն վերաբերյալ հրապարակում

««Ժողովուրդ»». Երեւանի փոխքաղաքապետի օգնականը 2.5 մլն դրամ է փոխանցել իշխող ՔՊ-ը կուսակցությանը իբրեւ նվիրատվություն», <http://surl.li/qgbnj>, «News.am» լրատվական կայք, փետրվար 7, 2024թ.:

Հրապարակման մեջ շրջանառվող տեղեկատվության համաձայն՝ «Երեւանի փոխքաղաքապետի օգնականը 2.5 մլն դրամ է փոխանցել իշխող «Քաղաքացիական պայմանագիր» կուսակցությանը իբրեւ նվիրատվություն: Կոռուպցիայի դեմ պայքարող հեղափոխականներին այս թվերը չեն հետաքրքրում: Վերջին շրջանում «Ժողովուրդ» օրաթերթը պարբերաբար հրապարակում է նախորդ տարի՝ հուլիսի 31-ին տեղի ունեցած՝ «Քաղաքացիական պայմանագիր» կուսակցության դրամահավաքի մանրամասները:

(...) Սեպտեմբերի 17-ին կայացած՝ Երեւանի ավագանու ընտրություններին «Քաղաքացիական պայմանագիր» կուսակցության ընտրական ցուցակի անդամ Գեղամ Բրսոյանը ամենաշուայլ նվիրատուներից էր, որը հանգանակել է 2 մլն 500 հազար դրամ: Բանն այն է, որ նման շուայություն դրսևորելուց հետո նա, ՔՊ ցուցակում լինելով հանդերձ, չընդգրկվեց Երեւանի ավագանու ցանկում: ՔՊ ավագանու ընտրացուցակում ընդգրկված եւ ավագանու անդամ չդարձած Շողիկ Վիրաբյանը եւս 2 մլն 500 հազար դրամ է հանգանակել: 2 մլն 500 հազար դրամ էլ ՔՊ դրամահավաքին հանգանակել է 2022 թվականի ապրիլի 20-ին ՀՀ ԱԻ նախարարի օգնական նշանակված Տաթև Հակոբյանը: Բանն այն է, որ Տաթև Հակոբյանն այժմ հանդես է գալիս Տաթև Մարգարյան անուն-ազգանունով: Նա այն ժամանակ ԱԺ պարզամավո Արմեն Փամբուխյանի օգնականն էր, հետո, երբ Փամբուխյանը նշանակվեց ՀՀ արտակարգ իրավիճակների նախարար, Տաթև Մարգարյանին իր հետ տարավ: Նույնը կատարվեց, երբ Փամբուխյանն ընտրվեց Երեւանի քաղաքապետի առաջին տեղակալ: Տաթև Մարգարյանին կրկին նշանակեց իր օգնական: Հետաքրքիր է՝ օգնականին որտեղից նման գումարներ, որ փոխանցել է: Այս հարցն էլ փորձեցինք պարզել Տաթև Մարգարյանից, որը «Ժողովուրդ» օրաթերթի հետ զրույցում ասաց. «Ճիշտ է, ես այդքան հարուստ չեմ: Քանի որ շտաբում էի, կազմակերպչական հարցերով պատասխանատու ու ակտիվ աշխատանքների մեջ էի, ընկերներ, կուսակցականներ, լիքը մարդ հավաքվեց, կպանք իրար, ես իջա արեցի»:

Հանձնաժողովը, նշված արարքը քննարկման առարկա է դարձրել «Կուսակցությունների մասին» սահմանադրական օրենքի (այսուհետ՝ Սահմանադրական օրենք) 24-րդ հոդվածի 2-րդ մասի կարգավորումների

համատեքստում, որի համաձայն՝ «Կուսակցությանը տրվող նվիրատվության, ինչպես նաև անդամավճարի և մուտքի վճարի ընդհանուր չափը՝ դրամական արտահայտությամբ, մեկ տարվա ընթացքում չի կարող գերազանցել օրենքով սահմանված նվազագույն աշխատավարձի հինգհարյուրհազարապատիկը, այդ թվում՝ մեկ ֆիզիկական անձի կողմից՝ օրենքով սահմանված նվազագույն աշխատավարձի երկուհազարհինգհարյուրապատիկը»։ Վերոգրյալի հաշվառմամբ Հանձնաժողովը եզրակացրել է, որ հրապարակման մեջ նշված անձանց կողմից «Քաղաքացիական պայմանագիր» կուսակցությանը նվիրատվություններ կատարելու արարքներում Սահմանադրական օրենքի վերը նշված նորմի խախտում առկա է։

«Ինչպես հայտնի է, Հայաստանի բոլոր խոշոր գործարարներին «հանձնարարված է եղել» կլորիկ գումարներ հանգանակել իշխանական կուսակցությանը։ ՔՊ-ի դրամահավաք-երեկոյին 996 նվիրատուների հանգանակությունների արդյունքում հավաքվել է շուրջ 509 մլն 085 հազար 950 ՀՀ դրամ, այսինքն՝ 1 մլն 262 հազար 681 դոլար, սակայն շատ նվիրատուների անունները գաղտնի են պահվել։ ՔՊ-ի դրամահավաքին, ինչպես արդեն գրել էինք, հանգանակություններ էին արել «Բաս վոյաժ» ՍՊԸ-ն՝ 700 հազար դրամ, ՀՀ ՊԵԿ ներքին անվտանգության պետ Գոռ Բակլաջյանը՝ 250 հազար դրամ, ՔՊ խմբակցության պատգամավոր Կարեն Սարուխանյանը՝ 100 հազար դրամ, Երեւանի քաղաքապետարանի շինքարեկարգման վարչության նախկին պետ Խորեն Գրիգորյանը՝ 2 մլն դրամ, Երեւանի ավագանու անդամ Արմեն Կոտոյանը՝ 1 մլն դրամ, եւ այլ հետաքրքիր դեմքեր։ Այս անգամ ներկայացնում ենք ցուցակի հաջորդ հետաքրքիր քառյակին։ ՔՊ-ի դրամահավաքին 200 հազար դրամ հանգանակել է Շիրակի մարզի Անի համայնքի ղեկավար Արման Սարիբեկյանը։

Վերը նշված հրապարակումն ուսումնասիրվել է Հանձնաժողովի կողմից, որի արդյունքում, որպես առերևույթ իրավախախտման դեպքեր դիտարկվել են մասնավորապես՝

- **հանգանակությունների ընդհանուր գումարի չափը**, որն ըստ հրապարակման կազմել է մոտ 509 մլն դրամ, սակայն Սահմանադրական օրենքի 24-րդ հոդվածի 2-րդ մասի համաձայն՝ «Կուսակցությանը տրվող նվիրատվության, ինչպես նաև անդամավճարի և մուտքի վճարի ընդհանուր չափը՝ դրամական արտահայտությամբ, մեկ տարվա ընթացքում չի կարող գերազանցել օրենքով սահմանված նվազագույն աշխատավարձի հինգհարյուրհազարապատիկը (...),
- «Բաս վոյաժ» ՍՊԸ-ի կողմից 700 հազար դրամի չափով հանգանակություն կատարելը, քանի որ Սահմանադրական օրենքի 24-րդ հոդվածի 4-րդ մասի 2-րդ կետի համաձայն՝ «Նվիրատվություններ չեն թույլատրվում՝ (2) ցանկացած տեսակի իրավաբանական անձանցից, այդ թվում՝ օտարերկրյա իրավաբանական անձանցից և միջազգային կազմակերպություններից (...):

Հաշվի առնելով այն հանգամանքը, որ վերը նշված առերևույթ իրավախախտումները Հանձնաժողովը կարող է քննարկման առարկա դարձնել և, ըստ անհրաժեշտության, դրանց առնչությամբ վարույթ հարուցել միայն կուսակցության տարեկան հաշվետվության ստուգման արդյունքում՝ քանի դեռ կուսակցության կողմից Հանձնաժողով չի ներկայացվել կուսակցության տարեկան հաշվետվությունը, վերը նշված փաստերին Հանձնաժողովն անդրադառնալու լիազորություն չունի: Նշվածի համատեքստում հարկ է նշել, որ դրանք քննարկման առարկա կդառնան կուսակցության տարեկան հաշվետվության ստուգման շրջանակներում:

## **Բարեվարքության վերաբերյալ հրապարակում**

*«ԲՊ-ն ԲԴԽ անդամ կընտրի՝ երկու երեխաների մոր հետ ամուսնության միջոցով ծառայությունից ազատված Կարեն Թումանյանին. «Ժողովուրդ», <http://surl.li/qanoi>, «Armlur.am» լրատվական կայք, հունվար 31, 2024թ.:*

Նյութում նշվում է. «Պարզվում է, որ 1976 թ. ծնված Թումանյանը, որի 18 տարին լրացել է 1994թ.-ին, պարտադիր զինվորական ծառայությունից ազատվել է ընտանեկան դրության հիմքով: Այսինքն՝ մինչ բանակ զորակոչվելը հասցրել է ունենալ 2 երեխա եւ այդ հիմքով, օրենքով սահմանված կարգով, ազատվել է պարտադիր զինվորական ծառայությունից, կամ փաստաթղթերով ամուսնացել է այնպիսի կնոջ հետ, որն արդեն 90-ականներին երկու երեխա ուներ:

«Ժողովուրդ» օրաթերթի ձեռքի տակ է ՀՀ պաշտպանության նախարարության կողմից տրված փաստաթուղթն այն մասին, թե ինչ հիմքով է ազատվել բանակից Կարեն Թումանյանը: Ըստ այդմ՝ նա հասցրել է մինչեւ զորակոչը ունենալ 2 երեխա: Թումանյանը «Ժողովուրդ» օրաթերթի հետ զրույցում ասել է, որ իր կյանքում 1 անգամ է ամուսնացել՝ 2012 թվականին, այսինքն՝ 36 տարեկանում, եւ հարց է առաջանում, թե այդ դեպքում ինչպես է 1994թ.-ին 18-ը բոլորած Թումանյանը ազատվել պարտադիր զինծառայությունից, եթե 36 տարեկանում է ամուսնացել եւ ակնհայտորեն ունի փոքր կին եւ երեխաներ: Լուրեր կան, որ նա արդեն 2 երեխա ունեցող մի կնոջ հետ է ամուսնացել, որից հետո բաժանվել է, ապա այդ կնոջ հետ է ամուսնացել նրա հայրը: Թումանյանը հերքեց այդ տեղեկությունը՝ ասելով, որ մեկ անգամ է ամուսնացել»:

Վերոգրյալ նյութն ուսումնասիրության առարկա է դարձել Հանձնաժողովի կողմից պետական պաշտոններում հավակնող անձանց բարեվարքության ուսումնասիրության գործընթացում: Դրա վերաբերյալ տեղեկությունները, ինչպես նաև նշվածի նյութում ներառված տվյալների հավաստիության ստուգման նպատակով իրականացված ուսումնասիրությունների արդյունքները ներառվել են տվյալ Թեկնածուի վերաբերյալ ներկայացված բարեվարքության եզրակացության տեքստում:

## Նվերների ընդունման սահմանափակումների վերաբերյալ հրապարակում

««Հրապարակ». Լույսն անապահով է, թե՛ վերերան», <http://surl.li/rnqep>, «News.am» լրատվական կայք, մարտ 14, 2024թ.:

Հրապարակման մեջ շրջանառվող տեղեկատվության համաձայն՝ ԱԺ պատգամավոր Լուսինե Բադալյանը, 2021 թվականին դիմել է Հերացու անվան պետական բժշկական համալսարանի հանրային առողջապահության ֆակուլտետ, և համալսարանի կողմից ստացել է ուսման վարձի ամբողջական վճարմամբ զեղչ՝ 1 միլիոն ՀՀ դրամի չափով:

Հանձնաժողովը սույն գործը քննել է «Հանրային ծառայության մասին» օրենքով սահմանված նվերների ընդունման սահմանափակումների համատեքստում, որի շրջանակում արձանագրել է, որ ԵՊԲ համալսարանը՝ 2021 թվականին ընդգրկված չլինելով պետության կողմից ուսանողական նպաստների ձևով ուսման վարձի լրիվ փոխհատուցում ստացող համալսարանների ցանկում, հիմք ընդունելով Լուսինե Բադալյանի՝ ԱԺ պատգամավոր լինելու հանգամանքը, վերջինիս տրամադրել է ուսման վարձի ամբողջական վճարմամբ զեղչ, ինչը Օրենքի գործող կարգավորումների շրջանակում կարող է դիտարկվել որպես պաշտոնով պայմանավորված ոչ թույլատրելի համարվող նվեր՝ անհատույց կամ ակնհայտ անհամարժեք ցածր գնով պահանջի զիջման դրսևորմամբ:

Այդուհանդերձ, հաշվի առնելով, որ նվերների ընդունման սահմանափակումների խախտման համար վարչական պատասխանատվության դրույթները ներդրվել են միայն 2022 թվականին (ուժի մեջ մտնելու ամսաթիվը՝ 2023 թ. հունվարի 1), իսկ պատգամավորի վարքագծի կանոնների քննությունն, իր հերթին, դուրս է եղել Հանձնաժողովի լիազորությունների տիրույթից՝ Հանձնաժողովը վերջինիս նկատմամբ վարույթ չի հարուցել: